

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINSKI SUD U SREBRENIKU  
Broj: 30-0-Su-26-000 234  
Datum: 11.05.2026. godine

Na osnovu članova 72., 73. i 74. Zakona o državnoj službi u Tuzlanskom kantonu (Službene novine TK, broj: 11/24 – prečišćeni tekst), člana 8. Pravilnika o unutrašnjem sudskom poslovanju (Službeni glasnik BiH, broj: 66/12, 40/2014, 54/17, 60/17, 30/18 i 83/22), člana 16. Pravilnika o unutrašnjoj organizaciji i sistematizaciji radnih mjesta u Općinskom sudu u Srebreniku, po prethodno pribavljenoj saglasnosti Ministarstva pravosuđa i uprave Tuzlanskog kantona, broj: 02/1-30-9795-1/26 od 21.04.2026. godine, predsjednik suda objavljuje

#### INTERNI OGLAS

za prijem namještenika u radni odnos na neodređeno vrijeme, na poslove i zadatke:

- Viši referent za operativno - tehničke poslove (daktilograf) -2 (dva) izvršioca;

Opis poslova:

- obavlja sve vrste daktilografskih poslova po Pravilniku o unutrašnjem sudskom poslovanju: prepis, kucanje po diktatu, uređivanje spisa, postupanje po naredbama sudija i stručnih saradnika i finalizacija spisa,
- radi sa sudijama i stručnim saradnicima u osiguravanju pravilnog upravljanja predmetima u CMS sistemu,
- po potrebi radi i druge poslove u pisarnici i na drugim referatima po nalogu šefa pisarnice, odnosno predsjednika suda.

Uslovi za vršenje poslova radnog mjesta:

- SSS - IV stepen, gimnazija, ekonomska, upravna, birotehnička ili druga škola društvenog smjera ili druga škola tehničkog smjera,
- najmanje deset (10) mjeseci radnog staža ostvarenog poslije završene navedene srednje škole i
- poznavanje rada na računaru.

Pored posebnih uslova za zasnivanje radnog odnosa kandidat mora ispunjavati i opšte uslove predviđene odredbom člana 77. Zakona o državnoj službi u TK i to:

- mora biti državljanin Bosne i Hercegovine,
- mora biti stariji od 18 godina,
- mora imati opći zdravstvenu sposobnost za obavljanje poslova radnog mjesta,
- mora imati vrstu i stepen školske spreme koja je propisana Pravilnikom o unutrašnjoj organizaciji i sistematizaciji radnih mjesta u Općinskom sudu u Srebreniku,
- da u posljednje dvije godine od dana objavljivanja internog oglasa kandidat nije otpušten iz organa državne službe kao rezultat disciplinske kazne na bilo kojem nivou vlasti u Bosni i Hercegovini i
- da kandidat nije obuhvaćen odredbom člana IX stav 1. Ustava Bosne i Hercegovine.

Uz prijavu na Interni oglas kandidati su dužni priložiti:

- Izvod iz Matične knjige rođenih,
- Uvjerenje o državljanstvu,
- Svjedočanstvo ili diplomu o vrsti i stepenu školske spreme,
- dokaz (uvjerenje ili potvrdu) o radnom stažu,
- dokaz (uvjerenje ili potvrdu) o poznavanju rada na računaru,
- Uvjerenje da se protiv kandidata ne vodi krivični postupak (ne starije od tri mjeseca),
- dokaz (uvjerenje ili potvrda) da je kandidat u radnom odnosu na poslovima namještenika u organu državne službe na bilo kojem nivou vlasti u Tuzlanskom kantonu (ne starije od 10 dana),
- izjava, ovjerena od nadležnog organa, kojom se potvrđuje da u posljednje dvije godine od objavljivanja Internog oglasa kandidat nije otpušten iz organa državne službe kao rezultat disciplinske kazne na bilo kojem nivou vlasti u Bosni i Hercegovini,
- izjava, ovjerena od nadležnog organa, da kandidat nije obuhvaćen odredbom člana IX I. Ustava BiH.

Prijavljeni kandidati koji ispunjavaju opšte i posebne uslove za navedeno radno mjesto bit će pozvani na daktilo - testiranje i intervju.

Izabrani kandidat će biti dužan dostaviti ljekarsko uvjerenje o opštoj zdravstvenoj sposobnosti za obavljanje poslova radnog mjesta (ne starije od tri mjeseca) nakon izbora.

Interni oglas **ostaje otvoren 8 (osam) dana** od dana isticanja na oglasnoj tabli.

#### NAPOMENA:

Shodno odredbi člana 73. stav 3. Zakona o državnoj službi u TK, pravo prijavljivanja na ovaj Interni oglas imaju namještenici iz organa državne službe svih nivoa vlasti u Tuzlanskom kantonu.

Sve tražene dokumente uz prijavu na Interni oglas, uz navođenje telefonskog kontakt broja, u originalu ili ovjerenoj kopiji, kandidati su dužni dostaviti u roku od 8 (osam) dana od dana objavljivanja na oglasnim tablama navedenih organa, **počev od 11.05.2026. godine**, neposredno predajom na pisarnicu suda ili putem pošte, preporučeno na adresu: Općinski sud u Srebreniku, ul. Radnička bb, 75 350 Srebrenik, sa naznakom: „ZA INTERNI OGLAS, NE OTVARATI“.

Interni oglas će biti objavljen na oglasnim tablama Kantonalnog suda u Tuzli i općinskih sudova na području TK, Kantonalnom pravobranilaštvu TK, Grada Srebrenika, kao i na web stranici i oglasnoj tabli Općinskog suda u Srebreniku.

Nepotpune, neuredne i neblagovremene prijave neće se uzeti u razmatranje.

